

Il zambregiader da Zernez

31avel Top Pop Rumantsch

■ (cp) RTR ha preschentà sonda, ils 2 da favrer 2013 il 31avel Top Pop Rumantsch da Luca Besio. Il Top Pop Rumantsch entra en ina nova stagiun. Eremit alias Luca Besio da Zernez chanta «La vita tuoch'a tai». Luca Besio ha cumenzà a far musica sunond melodias da Nadal sin in clavazin da tramagl. Ma igl è lura la battaglia ch'ha sveglià tar l'adolescent zernezin la vaira passiu per la musica, e passond tras la solita band da scola ha el lura battì in'urella il tact tar ils giuvens Skywards da Schlarigna. Cun scuvrir la finala la ghitarra ha el era survegnì gust da crear atgnas chanzuns. Il 2001, cun 20 onns, è Luca partì per la Bassa ed è sa chasà en l'Argovia. Ma el ha purtà cun sai l'anim d'ina ritga tradiziun ladina che tanscha da Paulin Nuotclà sur ils Bulais enfin tar Cha da Fö: Sias cumposiziuns, fixadas oramai sin il com-



Luca Besio cun sia chanzun «La vita tuoch'a tai».

puter chasan, èn chantadas per gronda part per rumantsch. Ed il zambregiader solitari ha er gist chattà ses num d'art adequat: Eremit. Dacurt ha il Radio Rumantsch scuvert las chanzuns d'Eremit sin la plattafurma Mx3 ed ha suggerì al musicist da participar a la retscha dal Top Pop Rumantsch. E Luca Besio ha pront scrit ina nova chanzun ad hoc, dond a quella sia preferida tonalitat melanconica ed in tema bainvis en la retscha: «La vita tuoch'a tai». Qua resta be anc d'aggiuntar: La musica er!

Top Pop Rumantsch è ina seria da produziuns da musica lantschada da RTR Radiotelevisiun Svizra Rumantscha l'onn 2005. Tut ils titels da la serie èn d'udir sin la pagina d'internet da RTR sut: <http://www.rtr.ch/home/dossiers/actual/Top-Pop-Rumantsch.html> Las emprimas 30 chanzuns èn uss era disponibles sin ils discs compacts «Top Pop Rumantsch vol. 1 e 2». Dapli sin: www.rtr.ch/butia

MAD